

# INUIT ATAQATIGIIT

## Inatsisartuni



29. juli 2019.

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

**Naalakkersuisunut apeqquutit:**

**Nuugaatsiaq aamma Illorsuit pillugit §37 naapertorlugu apeqquteqaammut 2019-199-imut akissutitut malitseqartitsilluni apeqquutit ingerlateqqinneqarput.**

- 1. Naalakkersuisut ataatsimiinnerannit imaqarniliaat 20.06.2019-imeersoq naapertorlugu Karrat kangerluani qaqqat innaasa annertuumik sisoorfiusinnaanerisa aarlerinaataannik misissuinissamut suliakkiissutitut najoqqutassaq ilanngunneqartoq akuerineqarpoq. Misissuinerit killiffiat sumut killippa?**
- 2. Karrat kangerluani qaqqat innaasa annertuumik sisoorfiusinnaanerisa aarlerinaataannik misissuinissamut suliakkiissutitut aningaasat qassit maannamut atorineqarsimappat?**
- 3. Tassaarsuortoqarnerata kingunerisaanik illut pigisallu nalillit aseruatitersimasut taarsersornerannut maangamut qanoq annertutigisumik aningaasartuuteqarfiuppat?**
- 4. Nuugaatsiami Illorsuarnilu qaqqap sisoornissaanut/tassaarsuortoqarnissaanut upalungaarsimanermut atortorissaarutitik pilersuinissamut Naalakkersuisut pilersaaruteqarpat?**
  - a) Aappiuppat: Qaqqap sisoornissaanut/tassaarsuortoqarnissaanut upalungaarsimanermut atortorissaarutit suut pineqarpat?**
- 5. Nuugaatsiami Illorsuarnilu qaqqap sisoornissaanut/tassaarsuortoqarnissaanut upalungaarsimanermut atortorissaarusersuisoqassappat qanoq annertutigisumik aningaasartuuteqartoqassanersoq Naalakkersuisut paasissutissiisinaappat?**
- 6. Nuugaatsiarmiut Illorsuarmiullu nunaqarfimminnut angerlartinneqannginnissaannik Upalungaarsimanermut Ataatsimiititaliap innersuussutaa Naalakkersuisut malitaat Karrat kangerluani qaqqat innaasa annertuumik sisoorfiusinnaanerisa aarlerinaataannik misissuineq naammassinissaanut atuuppa?**

(Inatsisartunut ilaasortaq Aqqa Samuelson, Inuit Ataqatigiit)

**Tunngavilersuut:**

Nuugaatsiaq aamma Illorsuit pillugit §37 naapertorlugu apeqquteqaammut 2019-199-imut akissutitut Naalakkersuisut Siulittaasuat neriorsuuteqarsimanera pillugu apeqqut erseqqissumik akineqanngimmat malitseqartitsilluni apeqqutit ingerlateqqinneqarput, kissaatigalugu Naalakkersuisut Siulittaasuat erseqqinnerusumik paasissutissiissasoq. Nuugaatsiami Illorsuarnilu qaqqap sisoornissaanut/tassaarsuortoqarnissaanut upalungaarsimanermit atortorissaarusersuinissamut Naalakkersuisut pilersaaruteqarnersut paasisaqarfigerusuppara. Upalungaarsimanermit atortorissaarutit pilersuisoqassappat atortorissaarutit suut qanorlu aningaasartuutaassanersut ilanngullugu paasisaqarfigerusullugu.

Ullut suliffiit qulit iluanni apeqqutinnut akissutit tiginissaannut qilanaarpunga.